

Suomâ stuárráamus já muččâdumos kieldâ Aanaar lii Suomâ almugijkoskâsumos arktâsii eellim kuávdáš Tave-Laapist. Aanaar lii maangâkulttuuriláš já šaddee paijeel 6800 ässee kieldâ, kost láá šiev kirdemohtâvuodah sehe vijdes kávpáliih já almoliih palvâlusah. Suáluičielgi madhâšemkuávdáš, ruámšáás já styeres Aanaarjávri sehe váldáliih meccikuávluh astoäigimáhdulâšvuodâiguin pirâstiteh kieldâkuávdáá Avveel.

Aanaar kieldâ arâšoddâdmist tust lii máhđulâšvuotâ porgâđ uccâ pärnijuávhuin. Mij anneep áárvust párnáá kunnijáttee vyevi, tuáimee oovtâstpargo pargei kooskâst sehe vanhimijguin já eres oovtâstpargopelijguin. Arâšoddâdmist mij tiäduštep pirâs- já luándušoddâdem, kielâi rigesvuodâ sehe lihâdem merhâšume párnáá šoddâmân, ovdánmân já oppâmân.

Aanaar peivikiäjust luándušoddâdem lii aldasâš uási aargâ. Peivikiäččujuávhuh láá Aanaar markkânist, Juvduuvääri alda. Toimâ vuáđuduvá ihejurâmân lohtâseijee teemaid já páihálii kulttuurân. Peivikiäjust mij anneep áárvust sensitiivlii, párnáá uás-álistem huámmášumân váldee vuáruvaikkuttâs já toimâkulttuur.

Mij uuccâp Aanaar peivikiäčun

- 1. párnáikärdimáttáátteijee** fastâ paargon, moos kuleh párnái máttááttem- já šoddâdempargoh. Pargo soijimsaje lii tääl Aanaar peivikiäju Tammukat- juávkku, kost uárnejeh táárbu mielh meid vuárutipšo. Pargo ana sistees meid peivikiäju värihoovdâ pargoid. Párnáikärdimáttáátteijee västid juávhu tooimâ pedagogisii vuáváámist, olášutmist, árvištálmist já oovdedmist oovtâstpargoost eres tiimi jesânijguin. Pargoost mij anneep áárvust ovdedeijee já čuávduskuávdášlii pargovyevi, šiev tiimipargo- já ornijdemtááiduid sehe hárjánem párnáikärdimáttáátteijee pargoin, peivikiäju pargovuáruvuáámist já hovdâpargoin. Tavesämikielâ táiddu annoo hiättun.

Tohálâšvuotâvátámâššân arâšoddâdem párnáikärdimáttáátteijee paargon lii arâšoddâdemlaavâ (540/2018) miäldásâš tohálâšvuotâ; ucemustáá šoddâdemtiettuu kandidaat tođhos tâi sosiaal- já tiervâšvuodâsyergi áámmátollâškovlâtođhos (arâšoddâdem). Pargoäigi lii koskâmiäráávt 38,75 h/okko. Pargokuáhtásâš mánuppajepálkki lii 2515,77 eurod, toos lasseen máksojeh Aanaarlase 3 %, hárjánemlaseh sehe Kvpis miäldásiih hiäđuh. Pargo álgá 1.8.19 tâi sopâmuš mielh. Occein váldojeh huámmášumân meid keessiv 2019 valmâštuvveeh. Paargon tohálâšvuodâ adeleijee tođhos kalga leđe valmâš majemustáá 31.7.2019.

2. **párnáikárdimáttáátteijee** fastâ paargon, moos kuleh párnái máttááttem- já šoddâdempargoh. Pargo soijimsaje lii tääl Aanaar peivikiäju Urbi-juávkku. Párnáikárdimáttáátteijee västid juávhu tooimâ pedagogisii vuáváámist, olášutmist, árvuštâlmist já oovdedmist eres tiimi jesâniiguin. Pargoost mij vaattâp šiev tavesämikielâ tááiđu já sâmmilii kulttuur tubdâm. Pargoost mij anneep áárvust ovdedeijee já čuávduskuávdášlii pargovyevi, šiev juávkupargo- já ornijdemtááiđuid sehe hárjánem párnáikárdimáttáátteijee pargoin já peivikiäju pargovuáruvuáváámist.

Tohálâšvuotâvátámâššân arâšoddâdem párnáikárdimáttáátteijee paargon lii arâšoddâdemlaavâ (540/2018) miäldásâš tohálâšvuotâ; ucemustáá šoddâdemtiettuu kandidaat tođhos tâi sosiaal- já tiervâsvuodâsyergi áámmátollâškovlâtođhos (arâšoddâdem). Tavesämikielâtááiđu kalga čäittiđ jo-uv virgálli kielâtotkosáin tâi eres lyetittettee čielgiittâssáin. Pargoäigi lii koskâmiäráálávt 38,75 h/okko. Pargokuáhtásâš mánuppajepálkki lii 2475,37 eurod, toos lasseen máksojeh Aanaarlase 3 %, hárjánemlaseh sehe Kvpis miäldásiih hiäđuh. Pargo álgá 1.8.19 tâi sopâmuš miel. Occein váldojeh huámmášumán meid keessiv 2019 valmâštuvveeh. Paargon tohálâšvuodâ adeleijee tođhos kalga leđe valmâš majemustáá 31.7.2019.

3. uđđâsist **párnáitipšoo** fastâ paargon, moos kuleh párnái šoddâdem- já tipšopargoh. Pargo soijimsaje lii tääl Aanaar peivikiäju Tammukat- juávkku, kost uárnejeh táárbu miel meid vuárutipšo. Párnáitipšoo pargo tolebáá, 12-26.2.2019 koskâsii ääigi, uuccâm ulmuuh váldojeh huámmášumán valjiimist. Mij anneep pargoost áárvust ovdedeijee já čuávduskuávdášlii pargovyevi, šiev juávkupargo- já vuáruvaikuttâstááiđuid sehe pargohárjánem. Tavesämikielâ tááiđu annoo hiättun.

Tohálâšvuotâvátámâššân arâšoddâdem párnáitipšoo paargon lii arâšoddâdemlaavâ (540/2018) 28 § miäldásâš tohálâšvuotâ; paargon hiäivulâš šoddâdem- já stivrimsyergi vuáđutođhos, sosiaal- já tiervâsvuodâsyergi vuáđutođhos tâi eres västideijee hiäivulâš tođhos. Pargoäigi lii koskâmiäráálávt 38,75 h/okko. Pargokuáhtásâš mánuppajepálkki lii 2099,95 eurod, toos lasseen máksojeh Aanaarlase 3 %, hárjánemlaseh sehe Kvpis miäldásiih hiäđuh. Pargo álgá 1.8.19 tâi sopâmuš miel. Occein váldojeh huámmášumán meid keessiv 2019 valmâštuvveeh. Paargon tohálâšvuodâ adeleijee tođhos kalga leđe valmâš majemustáá 31.7.2019.

4. **Peivikiäččuiseideijee pargoluámu sajasii** ááigán 5.8.2019-31.7.2020. Peivikiäččuiseideijee válduášáláid pargoid kuleh Aanaar peivikiäju juávhu

purramušhuolâttâs pargoh, čurgim- já posâldâhhuolâttâs sehe táárbu mielh párnái tipšo- já šoddâdempargoid uásálistem.

Tohálâšvuotâvátámâššân peivikiäččuišedeijee sajasâšvuotân lii hiäivulâš áámmáttođhos tâi eres suárgán hiäivulâš škovlim. Peivikiäččuišedeijee pargo hoittáámist tarbâšuvvoo sehe suomâ- já tavesämikielâ táidu. Pargoost mij an-neep áárvust šiev oovtâstpargo- já ornijdemtááiduid, jiečânâs pargovyevi sehe pargohárjánem vástideijee pargoin já pärnijuávhust porgámist. Pargoäigi lii koskâmiärálávt 38,75 h/okko. Pargokuáhtásâš mánuppajepälkki lii 1930,14 eu-rod, toos lasseen máksojeh hárjánemlaseh sehe Kvpiis miäldásiih hiäduh.

Ucâmušah pargoid toimâttuvvojeh **www.kuntarekry.fi** -sijđo peht 28.6.2019 tme 15.00 räi. Jis ij lah máhđulâš toohâđ šledgâlii ucâmuš, te ucâmuš kalga toimâttiđ poostâ peht: Inarin kunta, sivistysosasto / varhaiskasvatusjohtaja, Piiskuntie 2, 99800 Avveel. Tohálâšvuodâ čäittee tuodâštusah sehe CV tâi án-suluvâttállâm já eres tuodâštušeh toimâttuvvojeh pividem mielh. Tooimân väljejum kalga toimâttiđ tuhhiittetee tuáhtártuodâštus tiervâsvuodâtilestis (T-luámáttâh) sehe uáinimnáál rikosregisterlaavâ 6 § 2 momentist uáivildum rikosregisterváldus. Tooimâin lii 4 mp keččâlemäigi. Aanaar kieldâ pargosaje lii suovâtem.

Lasetiäduh:

peivikiäččuhođâ Marikaisa Laiti puh. 040 1533971

arâšoddâdemhođâ Pirkko Saarela puh. 040 7441259

peerâpeivitipšostivreijeijee Krista Käsälä puh. 040 7441210

Šledgâpostâčujođtâs: ovdânommâ.suhânommâ@inari.fi

Ilmoitus julkaistaan kokonaisuudessaan www.kuntarekry.fi –sivustolla, kunnan virallisella ilmoitustaululla ja kotisivuilla www.inari.fi

Almottâs almostittoo tievâslâžžân www.kuntarekry.fi - sijđoin, kieldâ virgálii almottâstaavlust já päikkisijđoin www.inari.fi.

Almmuhus almmustahttojuvvo ollâsit www.kuntarekry.fi - siidduin,gieldda vir-ggálaš almmuhantávvalis ja ruoktosiidduin www.inari.fi.

Äälmtoš čööđtet obbvuođstes www.kuntarekry.fi - seeidin,kää'dd veerjlaž äälmtemtaaulâst da dommseidain www.inari.fi

Avelist 29.5.2019

arâšoddâdemhođâ Pirkko Saarela

